

KRISTAU GUZIEN BATZARREAREN

ERREGE MAITAGARRIARI.¹

Sinistaturik Ama Euskera
Dala parerik gabia,
¿Zer pozarekin esan oi detan
Naizela bere semia!
¿Zer esan nai du ez baldin banaiz
Doaikiñ baten jabea,
Alchatutzeko bear bezela
Bedorren santidadea?

Ama garbia erakusten ta
Nik eziñ badet ikasi,
Guzieraren izar guzia
Alchatzen ¿nundikan asi?
Abiyatzeko nago kezketan,
Ez nuke joan nai igesi,
Aušen da lana; ¿ni portatuko
Ote naitzayo itsusi?

Ni ezezikan aundiyagoak
Gerta litezke benturaz
Pisu aundiya artuta gero
Iñola ezin jasoaz:
Gaurko gizonak (beintzat batzuek)
Atzerakara bagoaz
¿Nolatan jarri pensamentuba
Nai dan erara igoaz?

Sinista bezait, ¡O nere Aita!
Sinista bezait benetan,
Ezerez char bat beste gauzarik
Ez naizela ni letretan;
Ama maitiak bezela baldiñ
Banekike nik izketan,
Alchatu eta jarriko nuke
Zeruetako atetan.

Baña nik nola ez dakiten ta
Jakingo ere ez detan,
¿Zertan nago ni denbora galtzen?
Ni ¿zertan nago kezketan?
Astera noa dakidanakiñ
Zerbait moldatzen aldetan;
Zerengatikan bedorregana
Zor bat aundia daukatan.

Galdetutzera nua lenbizi:
¿Alda munduan artzairik
Bedorrek aña artalde eder
Zintzoro darabilzkinik?
¿Alda lurrian beste izar bat
Doayez jantziyagorik,
Nola mundura ala zerura
Diz-diz egiten dubenik?

(1) V. nota de la pág. 1.

Galdetuzten det bigarren aldiz:
 ¿Alda munduban besterik,
 Bedorren seme umantak bañan
 Umanta aundiagorik?
 Armikan gabe Jesukristoren
 Fedearekiñ bakarrik,
 Anima asko Zeruratutzen
 Ausardiz badabiltzanik?

¿Utzi alzuben Lutero zanak
 Ispillu orrelakorik?
 ¿Ondorengoak egiñ aldute
 Mirari arrigarririk?
 ¿Nolatan egiñ sinistu gabe
 Aita Santuben federik?
 ¿Zêr da gizona, ez baldiñ badu
 Jaungoikoaren bildurrik?

¿Obe aldira bayonetakiñ
 Eskupetaren indarrak?
 ¿Aldira obe sutunpak eta
 Tupikiazko miñgarrak?
 Ontziak asko itsasorako,
 Gizon illtzalle azkarrak,
 Echez kanpoan edukitzeko
 ¡A zer nolako maistarrak!

Lendik esana ez det damurik,
 Geyago bear det esan,
 Gizadiyakin jakinduriya
 Arkitzen dala Eleizan:
 Leon umanta silla santuban
 Beñ bat eseri ez bazan,
 ¡Zenbait koitadu onezkeroztik
 Negarrez ote gebiltzan!

Oni ez eman, arri ez kendu,
 Guzia darama berdiñ,
 iragozpenak doai santubaz
 Oi ditu beti desegiñ:
 Batzubek pozaz utzi baditu,
 Besteak dute atsegiñ,
 Zenbat lan eder egiñ dituben
 Dudarik izan ez dediñ!

Kristau guzien batzarrearen
 Errege maitagarria,
 Nik alchagabe alchatzen dute
 Beraren etsai aundiayak:
 Dute igotzen zeruetara
 Dituben zazpi doaiyak,
 Dute apaintzen lore ederrez
 Bere urrezko eztaiyak.

Berrogei ta amar urte dirala
 Apaiztu zala bedorri
 ¡O! zer koroia fedeaentzat
 Zerubak zigun birali!
 Pedroren sillan Aita chit onak
 Badira beti ešeri,
 ¿Ayek ainbeste dala esan ta
 Ote litzake geiyegi?

Beintzat dakigu baditubela
 Birtute zoragarriak,
 Gaurko birunkak ezagutzeko
 ¿Nork?, eta ¿zeñek obiak?
 Gudak ez diyo maitetasunik
 ¡Zenbat nai diyon pakiak!
 ¡Nola kantatzen duben goi gora
 Mesiaseren fediak!!

Zabaldutzen du, zabaldu beza
 Alemaniyan fedia,
 Iriki zuben, iriki beza
 Bretaña aundira bidia:
 Salbatu beza ¡ai! ¡ai! Irlanda
 Irlanda doakabia,
 ¡Bedeinka beza doai santubaz
 Euskaldun erri beria!

Onenbestekin agurtutzen det
 Aitacho maite maitia,
 Agurtutzen det pozaz negarrez
 Bedorren Santidadia:
 Naizelarikan beartsuba ta
 Doaikiñikan gabia,
 Beiñtzat biotzez bukatzen diyot
 Nere ezerezkeria.

AZKARATE-KO RAMOS-EK.

LEON XIII-GARRENARI.

Aberastasuna, jakindea, podorea eta gizonen indar guztiyak jaiki dira menalde ikaragarriyan, Jesukristoren eta zure jainkozko jabetasunaren kontra, eta bota dute beren sumiñean emaezgarri eta guziakiko deadar bat: Ez geyago legerik, ez geyago eleizarik, ez geyago Jainkorik.

FRANCHISKU MINTEGIAGA-KOAK.

ERROMA ETA EUSKAL-ERRIA.

Erromaren eta Euskal-erriaren otoitzak baturik, Zerura igo bitez.

JOSÉ IRASTORZA.
